

T 9299/1990

45

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 5 1941

天中記四十五卷

朗陵陳耀文晦伯甫卷

男龍光校

哈佛大學漢和圖書館藏印

穀

百穀總名穀續也百穀之總名也

文 說

五穀者萬民之命國之重寶東方多麥稻西方多

麻北方多菽中央多禾五土之宜各有高下高而陽者

多豆平而陰者多五穀

范子計然

百穀穀氣勝元氣其人肥而不壽養性之術常使穀氣

少則病不生矣梁者黍稷之總名稻者既種之總名菽

者衆豆之總名三穀各二十種為六十蔬果之實助穀

各二十凡為百穀故詩曰播厥百穀者穀種衆種之大

名也楊泉物

九穀周禮以五味五穀五藥養其病鄭司農注麻黍稷

麥豆凡王之膳食用六穀鄭司農注稻黍稷梁麥苽三

農生九穀鄭司農注稷秫黍稻麻大小豆大小麥鄭云

九穀無秫大麥而有梁苽多穀子云九穀黍稷麻麥稻

梁苽大小豆酉陽雜俎九穀黍稷稻梁三豆二麥星經

八穀八星在五車北主黍稷稻梁麻菽麥烏麻星明俱

熟

大侵之禮一穀不升謂之暵二穀不升謂之饑三穀不

升謂之饑四穀不升謂之康五穀不升謂之大侵大侵

之禮君食不兼味臺榭不塗弛侯廷道不除百官布而

不制鬼神禱而不祀此大侵之禮也穀一穀不收謂之

饑二穀不收謂之旱三穀不收謂之凶四穀不收謂之

饑五穀不收謂之饑饑則大夫以下損祿五分之一旱

則三饑則四饑則盡祿廩食而已墨子

萬民之命五穀者萬民之命國之重寶也是故無道之

君及無道之臣皆不能積其盛有餘之時以待其衰不

足也范生

五穀之先杏多實不蟲者來年秋善五木者五穀之先

欲知五穀但視古木釋其木盛者來年宜種之曠師

金土金干土則五谷傷土干金則五谷不成春秋繁露

居方允禾麥居東方黍居南方稻居中央粟居北方

職方氏職方氏掌天下之圖辨其邦國都鄙九穀之數

揚州荊州其穀宜稻豫州并州其穀宜五種青州其穀

宜稻麥兗州其穀宜四種雍州冀州其穀宜黍稷幽州

其穀宜三種

食穀食氣者神明而壽食穀者智惠而巧不食不巧

登熟歲凶年穀不登君膳不祭肺馬不食穀孟春之日

天子乃以元日祈穀于上帝孟夏驅獸無害五穀仲夏

之月乃命百縣雩祀百辟以祈穀實孟秋之月農乃登

穀天子嘗新先薦冰醑廟丘專政私其君位則草木不生

禾穀不實禮斗威儀

火乾凡以火乾五穀之類出自山東齊楚以往曰熬隴

異以往曰福秦晉之間曰熬方音

穀忌小豆忌卯稻麻忌辰禾忌丑稼忌未小麥忌戌火

麥忌子記勝之書

播穀炎帝大庭氏下為地皇作耒耜播百穀曰神農月令

昔者神農之治天下也其兩時降五穀蕃植春生夏

長秋收冬藏月省時考歲終獻功以時嘗穀祀於明堂

禮注

嘉生黃帝考定星曆建五行民神易業敬而不黷故神

降之嘉穀生史歷黃帝藝五穀史

殖五穀厲山氏之子能殖五穀故祀以為稷禮記

播百穀舜曰棄黎民阻飢汝后稷播時百穀

中山有穀魏王問子慎曰寡人聞昔上天神異后稷而

為之下嘉穀周以遂興往中山之地無故有穀非人所

為云天雨之反以亡國何答曰天雖至神自古及今未

聞其下穀與人也詩美后稷大能教民善種穀以利天

下所謂稷降播種農殖嘉穀其義一也若中山之穀妖

怪之事非所謂天祥也禮儀

自然穀扶海洲上有草焉名曰節其實食之如大麥從

七月稔熟民歛獲至冬乃訖名曰自然穀或曰禹餘糧

禮記

嘉穀不生齊桓公欲封禪管仲曰今鳳凰麒麟不來嘉

穀不生而蓬蒿藜莠茂鳴臬數至而欲封禪毋乃不可乎史

乎史

下田得穀楚魏會於晉陽將以伐齊齊王患之使人召

淳于髡曰楚魏謀欲伐齊願先生與寡人共憂之淳于

髡大笑而不應王復問之又復大笑而不應三問而不

應王怫然作色曰先生以寡人國為戲乎淳于髡對曰

臣不敢以王國為戲也臣笑臣隣之祠田也以奩飯與

一鮒魚其祝曰下田溇耶得穀百車蟹螺者宜示臣笑

其所以祠者少而所求者多王曰善賜之千金車百

乘立為上卿禮記

貴五穀晁錯曰粟未布帛生於地長於時聚於力非可

一日成也穀石之重中人弗勝不為却邪所利一日弗
得而飢寒至是故明君貴五穀而穀金玉今海內為一
土地人民之衆不減湯禹加以亡天灾數年之旱而蓄
積之未及者何也地有餘利民有餘力生穀之土未盡
墾也山澤之利未盡出也游食之人未歸農也漢書
天雨穀漢宣帝時江淮饑饉人相食天雨穀三日尋魏
地奏亡穀二千頃述異記
野穀建武二年天下野穀旅土麻菽尤盛東觀漢記
旅穀牛乃耕農之本百姓所仰為用最大國家之為強
弱也建武之初軍役亟動牛亦損耗農業頗廢米石萬
錢天愛斯民扶助聖主事有徵應於是旅穀彌望野藟

被山風俗通

兩穀建武三十一年陳留兩穀蔽地視穀形若案而黑
此夷狄地生穀也夷狄不食穀生於草野成熟委於地
遭疾風與之俱飛風衰穀集中國中國見之謂天雨穀
也論衡

穀炊建武初穀食尚少趙孝得穀炊將熟令弟禮夫妻
出北還孝夫妻共蔬食茹菜禮夫妻來輒獨飴之積久
禮心疑恠後伺掩見亦不復肯出兄弟怡怡鄉里歸德

東觀漢記

殖財貴施馬援在河而有穀數萬斛乃嘆曰凡殖財者
貴以施也否則守錢虜耳華僑後漢書

馬當與穀

永平十五年上始欲征匈奴與竇固等議出

兵調度皆以為塞外草美可不須穀馬案軍出塞無穀

馬故事馬防言當與穀上曰何以言之防對曰宣帝時

五將出征案其奏言匈奴候騎得漢馬矢見其中有粟

知漢兵出以故引去以是言之馬當與穀上善其用意

微繳即下調馬穀防遂見親也

黃金易穀

赤眉亂後關中大飢黃金一斤易五升穀

漢記

築塼積谷

董卓築塼於郿高厚七尺號曰萬歲塼積谷

為三十年儲自云事成雄據天下不成守此足以畢老

穀

兩五穀吳桓王時金陵兩王穀千貧民家富民家則不

兩述異記

埋穀與賊殷稷字伯起遭世喪亂埋穀數百石後謾為

賊所執掠見責具以穀告之賊猶嫌其未實欲刃焉謾

乃誓曰卿行劫害當知人心豈有出財還自殺耶賊知

其誠遂免

穀不千斛

表譏以王循為別駕太祖破鄴藉沒雷配等

家財物資以萬數破南皮聞循家穀不滿千斛

借死厭衆

太祖嘗賦廩穀不足私謂主者如何主者曰

可以小斛以足之後軍中言太祖欺衆太祖謂主者曰

借汝一死厭衆乃徇曰小斛盜官穀即斬之

穀帛司命 高堂隆諫祿賜穀帛人王所以惠養吏民而
為之司命若令有廢是奪其命魏志

仇出穀賑 鄧攸為吳郡太守吳人飢流攸輒出臺倉穀

賑之後劾攸曰善不可為也王隱晉書

割穀送絹 羊祜周行賊境七百餘里往返四十餘日割

賊穀以為軍糧皆計頃畝送絹還直使如穀價別傳

見人擔穀 琅琊諸葛氏无弟二人寓居晉陵家甚貧耗

常假乞日給穀在困中計日用未應盡而卑以空罄始

者謂是家中相竊盜復封檢題識而耗如初後有客從

遠來際夕至巷口見數人擔穀出門客借問諸葛在否

客云悉在客進內言語之後因問卿何得大糶谷主人

云告乞少穀欲充口云何復得糶之客云我向來逢見

數人擔穀從門出若不糶者為何事主人兄弟相視竊

自疑怪試入看封題儼然如故試開困量視即無十許

斛知前後所失非人為之幽明錄

天麥 涼州張駿時天雨五穀殖之悉生因名為天麥異

不登 陳君賓遷邢州刺史徙鄧州明年四方霜潦獨君

賓所治有年儲倉充羨蒲虞二州民就食其境太宗下

詔勞之曰去年閩內六州穀不登糶糧少令祈民房遂

食聞刺史與百姓識朕此懷務想安養還有贏糧出布

帛贈遺行者知此水旱常數更相拯贍禮讓與行海內

之人皆為兄弟變澆薄之風朕顧何憂已

踊貴盧坦江淮早穀踊貴或請抑其價坦曰所部地狹穀來它州若直賤穀不至矣不如任之既而商以米至

積穀翁帝寅善治生初除廣州宣宗垂誠貪泉寅奏曰江淮江陵在積穀尚七千堆固無所貪宣宗曰此所謂積穀翁

始築常平倉帝宙永州刺史州負嶺轉餉艱險每飢人輒殍死宙始築常平倉收穀羨餘以待之

阜康穀者所以阜俗康時聚人守位者也下至十室之邑必有千鍾之藏苟凶穰以之貴賤失度雖封丞相而猶困侯大農而謂何杜甫穀者百姓之本百後皆出

司和女夷鼓歌女夷天以司天和以長

百穀禽鳥草木孟夏之日以熟穀禾雄鳩長鳴為帝侯

歲淮天

饑饉兩穀漢宣帝時江淮饑饉人相食天兩穀三日尋

魏地奏亡穀二千頃述

兩穀如麥孝元竟寧元年南陽山都兩穀小者如麥粟而青黑味若大者如米豆赤黃味如麥下三日生根葉

狀如大豆初生時時

天麥張駿九年兩五稼穀于武威燉煌種之皆生因名

天麥崔鴻十六國春秋前涼錄

能撫賜穀帝玠遷顯武將軍郢州刺史在州有聲績朝

廷嘉之遷龍驤將軍賜騂騮二疋帛五十五疋穀三百斛
解珍乃召集州內孤貧者謂之曰天子以我能綏撫卿
故賜以穀帛吾何敢獨當遂以所賜悉分與之後魏書
有穀貸人盧義僖寬和畏順不妄交款情性儉素不營
財利少時幽州頻遭水旱先有數萬石穀貸人義熙以
年穀不熟乃燔其契州閭悅其恩德雖居顯位每至困
乏麥飯蔬食忻然井之北史
射鳥口穀後梁有何山者其射之妙人莫能及有鳥巢
於庭樹蕭譽惡之謂山曰射中者賜一車穀其鳥鷄並
於枝上山曰脫一箭中兩請賜兩車臣無車牛願官為
送譽許之於是山射中其兩項譽甚欣悅即令載穀送

之三國
之典畧

雪穀之精長壽二年元日大雪其夜質明而晴上謂侍

臣曰俗云元日有雪百穀豐未知此語有何故實文昌
右丞姚璿對曰汜勝書云雪是五穀之精以其汁和鍾
則百谷大穰又宋孝武帝大明五年元日降雪以為嘉
瑞上曰朕臨御萬方心存百姓如得年登歲稔此即可
為大瑞雖獲麟鳳亦何用焉唐書

夢穀五穀為財飲食物夢見穀得財吉五穀入家家富

盛書

一年三熟淮陽郡西北接耒陽縣有溫泉其下流百里
恒資以溉灌常十二月一田種至明年三月新穀便登

重種一年三熟盛弘之荆州記

力耕得穀學不勤則不知道耕不力則不得穀

穀所蕃熟常山之東河汝之間早生而晚殺五穀之所

蕃熟也管子

八穀星八穀八星在五車北主黍稷稻粱麻菽麥烏麻

星明俱熟經

俱傷京房五星占曰五穀俱傷何君無德也

兩穀歲熟京房易逆利曰天兩穀歲大熟

五行木勝土土勝水水勝火火勝金金勝木故春生秋

死菽夏生冬死麥秋生夏死齊冬生仲夏死淮南子

播琴都廣之野百穀自生冬夏播琴山海經播琴猶播殖

米

七日不粒孔子窮乎陳蔡之間藜藿不斟七日不嘗粒

晝寢顏回索米得而饜之幾熟孔子望見顏回攬其甑

中而食之選間食熟謁孔子而進食孔子佯為不見之

孔子起曰今者夢見先君食索而後饋顏回對曰不可

嚮者煤室入甑中棄食不祥回攫而飯之孔子嘆曰所

信者目也而目猶不可信所恃者心也而心猶不足恃

弟子記之知人固不易矣呂氏春秋家語作子貢見之以問孔子云

聚米為山帝因西征隗囂至漆諸將多以王師之重不

宜遠入險阻計猶豫未決會召馬援夜至大喜引入具

以群議質之援因說隗囂將帥有土崩之勢兵進有必

破之狀又於帝前聚米為山谷指畫形勢開示重軍所
從道經往來分析昭然可曉帝曰虜在吾目中矣明日
遂進軍囂衆大潰後漢書

御試作糜獻帝時三輔大旱帝避正殿請兩遣使者洗

囚徒原輕繫法謂萬是時穀一斛五十萬豆麥一斛二

十萬人相食啖白骨委積帝使御史侯汶出太倉米豆

為飢人作糜粥經日而死者無數帝疑賦而有虛乃親

於御坐前量試作糜乃知非實袁宏漢記曰時勅侍中

前作糜得滿三五盂於是召尚書米使侍中劉艾出讓有

司於是尚書令以下皆詣省閣謝奏收侯汶考實詔曰

未忍致汶于理可杖五十自是之後多得全濟上

錢自賦米晉平王休祐素無才梁強自用大明之世年

尚少未得自專至是貪淫好財色在荊州褒刻所在多

營財貨以短錢一百賦良田登就求白米一斛米粒皆

令徹白若有破折者悉躬簡不受民間糶此米一升一

百至時又不受未評米貴賤凡諸求利皆悉如此宋

私穀助賑徐齊耕晉陵人也元嘉二十一年大旱人飢

耕詣縣陳辭以米千斛助官振貸縣為言上當時議以

耕比漢卜式詔書褒美酌以縣令大明八年東土飢東

海嚴城東苑王道益各以私穀五百斛餘助官賑卽上

唯桃花米任昉為新安太守為政清省吏民便之卒於

官唯有桃花米二十斛無以為歛遺言不許將新安一

物還都下

梁書

得米載還孔覲後為司徒左長史弟道存代覲為後軍

長史江夏內史時東土大旱都邑米貴一升將百錢道

存慮覲甚乏遣使載五百斛米餉之覲呼使謂之曰我

在彼三載去官之日不辨有路糧即至彼未幾那能便

得此米即可載還彼吏曰自古以來無有載米上水者

都下米貴乞於此貨之不聽吏乃載米而去

南史

恣取寄米庾詵嘗乘舟從潯中山舍還載米一百五十

石有人寄載四十石及至宅寄載者曰君四十斛我一

百五十斛詵嘿然不言恣其取足隣人有被執為盜見

劾妄疑詵矜之乃以書質錢二萬令門生詐謂其親代

之醉彼隣人獲免謝詵曰矜天下無辜豈期謝也

梁書

雀鼠耗張率嗜酒不事於家務尤忘懷在新安遣家僮

載米三千石還吳宅及至耗一半率問其故答曰雀鼠

耗率笑而言曰壯哉雀鼠竟不研問

五斗折腰陶潛為彭澤令郡遣都郵至縣吏白應束帶

見之潛歎曰我不能為五斗米折腰向鄉里小人即日

解印綬去職賦歸去來兮遂其志

南史隱逸傳

食經崔浩自撰食經序曰余備位台鉉與叅大謀賞獲

豐厚牛羊蓋澤貲累巨萬衣則重錦食必梁肉遠惟平

生思季路負米之時可復得乎故序遺文垂示來世

魏書

入美廬郎齊文宣帝崩當朝文士各作挽歌十首擇其

善者而用之魏收陽休之祖孝徵等不過得一二首惟慮思道獨有八篇故時人稱為八美盧即北史

大人米西域王舍城有大人米大人米粳米也夫如鳥

五飯香百步惟此國有王及知法者預焉玄卷傳錄

黃桂烏節揚州土貢黃桂米烏節米地里志

紫米元和八年大軫國貢紫米有類于巨勝炊之一升

得飯一斗食之令人髭髮鬢黑顏色不老父則後天而

死杜陽編

將米往餒張萬福為泗州刺史魏州飢父子相賣餓死

者接道萬福曰魏州吾鄉里也安可不救令其兄子將

來百車往餒之又使人於汴口求魏人自賣者給車牛

贖而遣之杜

度口具米陽城常約其二弟一所得月俸汝可度吾

家有幾口月食米當幾何買薪菜益米凡用幾錢先具

之其餘悉以付酒媪無留也未常有所積畜上

盜米易酒陽城嘗絕糧遣奴求米奴以米易酒醉卧于

路城與弟迎之奴朱醒乃負以歸及覺痛咎謝城曰寒

而飲何害焉

齋米賑給吳全琮父柔為桂陽守使琮齋米數千斛至

吳交易琮皆賑給士大夫空船而還柔奇之

不受米舟王修齡貧乏陶胡奴為烏程令送米一船登

曰王脩齡飢自就謝仁祖索食不須陶胡奴米世

有麥辭米齊劉懷惠為齊郡守人有餉新米一斛者懷
惠出所食麥飯示之曰食有餘幸不煩此

不米取侮梁忱絢少發于宗黨得米數百斛為宗人亦
侮覆米而去及貴不以為憾

通腸米荆楚孫儒之亂斗米四十千持金寶換易絕得

一合一撮謂之通腸米言飢人不可食他物惟煎飲之
可以稍通腸胃南楚

射堂占木會稽有射的山遠望狀若射侯故謂射的的

之西有石室名之為射堂年登否常占射的以為貴賤

之碓的明米賤的闇則米貴故諺云射的白斛米百射

的玄斛米千水經

麥

首種孟夏之月天子以彘嘗麥孟夏行冬令則首種不

入禮記
月令

宿麥凡田六道種麥為首子欲富黃金覆為曳柴壅麥

根也夏至後七十日寒地可種宿麥記勝爾雅翼麥者

繼絕續之之穀春秋於他穀不書至無麥禾則書之麥

比他穀隔歲種故號宿麥

含芒麥之為言殖也寢生觸凍而不息精射刺直故麥

含芒事且立也
春秋說
題辭

芒穀麥芒穀秋種厚薶故謂之麥麥金也金王而生火

王而死從來有穗者從久薶周所受來年也一麥二縫

豕其芒刺之形天所來也麩堅麥也麩小麥屑麩也麩磨麥也麩麥麩屑也十斤為三斗從麥唐聲麩者麥也麩麥其鬻也稍麥莖也說文

不食晉侯夢大厲公召桑田巫巫曰不食新漚矣六月丙午晉侯欲麥使甸人獻麥召桑田巫示而殺之將食張如廁陷而卒成

傳郭宓子賤為單父宰百姓化之齊人攻魯道由單父父老謂曰麥已熟矣今齊寇至不及人人自收其麥請放民皆使出穫傳郭之麥可以益糧且不資寇三請而宓子不聽俄而寇逮于麥季孫聞之怒使人讓之宓子蹙然曰今茲無麥明年可樹若使不耕者得穫是民樂

有寇也且單父一歲之麥於魯不加強喪之不加強弱使民有自取之心其倉必數世不息季孫聞之赧然魏曰地若可入吾豈忍見宓子哉家語

漸漸箕子朝周過故殷虛感宮室毀壞生禾黍箕子傷之欲哭則不可欲泣為其近婦人乃作麥秀之詩以歌詠之其詩曰麥秀漸漸兮禾黍油油彼狡僮兮不與我好兮所謂狡童者紂也史記

上二千斛鄧禹平三輔糧乏王舟上麥二千斛禹高其節義表丹領左馮翊東觀漢記

崇麥高鳳字文通南陽苑人誦讀書夜不絕妻嘗之田曝麥於地以竿授鳳令護鳳受竿誦經書時天大雷暴

兩流潦鳳留意在經忽不視麥麥隨水漂去上

與奴種麥第五倫免歸田躬與奴共發株棘田種麥上

有麥數斛董宣為洛陽令卒官詔遣使視唯見布被覆

屍妻子對哭有大麥數斛上

兩岐張堪為漁陽太守勸民耕種以致殷富百姓歌曰

桑無附枝麥穗兩岐張君為政樂不可支上

盜麥數斛羊續為南陽太守妻與子秘俱往郡舍續閉

門不納妻自將秘行其資藏唯布衾弊裯盜麥數斛上

青青桓帝時童謠曰小麥青青大麥枯誰當穫者婦與

姑丈夫何在西擊胡上

播麥鳴兒范丹字史雲外黃人使兒播麥得五斛鄉人

尹臺遺之以一斛囑兒莫道丹後知即令并送六斛言

麥已雜遂誓不取上

蜾蠃不食高順字孝甫敦厚少華子式至孝蜾蠃為災

不食式麥東留耆舊傳

母病盜麥孔文舉為北海相有人母病差思食新麥家

無乃盜隣熟麥而進文舉聞特償之秦子

馬騰麥中太祖曾行麥中令士卒無敗麥犯者死騎士

皆下馬持麥以相待太祖馬騰入麥中太祖曰孤為軍

師不可殺請自刑因投劍割髮以置地傳

停食作賦孫恪常饗蜀使費禕禕停食疑索筆作麥賦

恪亦請筆作磨賦咸稱善諸葛恪別傳

密為刈麥 王褒字偉元 諸生有密為褒刈麥者 褒送之 於是莫敢復佐 王隱 晉書

交麥以待 初符健聞桓温之來伐也 交麥以待之 故温

掠無所得 軍人火飢 前秦 錄

收麥求價 李岳字祖仁 官至中散大夫 嘗為門客所議

舉錢營生 廣收大麥 載赴晉陽 侯其寒食 以求高價 清

明之日 其車方達 又從晉陽載化生向鄴城 路逢大兩

並化為泥 息利既少 乃至貧迫 當世人士莫不笑之 三國

與隣里共 侯景亂時 吳明徹有粟麥三千餘斛 而隣里

飢餒 乃白諸兄曰 今人不圖久 柰何不與隣里共此 於

是計口平分 同其豐儉 群盜聞而避焉 賴以存者甚衆

陳書

麥遺漏地 大象末 有強練師以無底囊 歷長安市 告乞

市以米麥遺之 隨即漏地 人或問其故 練曰 但令諸人

見盛空耳 及隋初 遷都龍首山 長安遂空矣 後周 書

竊麥盜 張文詡 隱居 常有人夜中竊刈其麥者 見而

避之 盜因感悟 棄麥而謝 尉諭之 自誓不言 固令持去

經數年 盜者向鄉人論之 始為遠近所悉 隣家築牆 心

有不直 文詡因毀舊堵 以應之 隋書

先熟殊色 開元十三年 河南府壽安縣人劉懷家有大

麥六畝 先熟 與眾麥殊色 其中有两歧三歧四歧六歧

五歧

六歧

七歧

者

打麥打麥元和九年六月三日宰臣武元衡為盜所害

先是長安謠曰打麥打麥三三三既而旋其袖曰舞子

也解者謂打麥者打麥時也麥打者蓋謂閭中寒擊也

三三三謂六月三日也舞了者謂元衡之卒也

散麥於空西安國每十月令巫者齋肴詣山中散糟麥

於空大呪呼烏俄而烏如鷄飛入巫者之懷因剖腹而

視之每有一穀來歲必登若有霜雪必有災異其俗信

之名為巫卜焉

得時得時之麥稠長而頭黑二七以為行而服薄糕而

赤色稱之重食之致香以息使人飢澤且有力如此者

不蚰蛆先時者暑雨未至肘動蚰蛆而多疾其次羊以

節後時者弱苗而穗蒼狼薄色而美芒

延精麥延精麥言延壽益氣有昆和麥調暢六腑有輕

心麥食者體輕有淳和麥麩以釀酒一醉累月食之凌

冬不寒有含露麥極中有露井如飴

五土所宜東方多麥南方多稷西方多麻北方多菽中

夷多禾五土之所宜也

異麥虜小麥其實大麩似大麥形有二縫稗麥似大麥

出涼州施麥三月種八月熟出西方赤麥赤而肥出鄭

縣有半夏小麥有秀芒大麥有黑穰麥

天竺天竺以十一月六日為冬至則麥秀十二月十六

日為臘則麥熟西域諸國志

啖麥多力啖麥令人多力博志

削木近世有田夫至巧削木為麥入市糶之糶者無疑歸磨乃覺非麥北

為蛟蝶麥之為蛟蝶由于濕也亦則萬物之變皆有也

農夫止麥之化者區之以及聖人理萬物之化者濟之以道搜神記

含神麥神名含神姓習春秋佐助期

虛星秋昏虛星中可以種麥尚書

黍麥黑墳宜黍麥孝經援神契

獨恃於麥獨孤及上疏陳政曰民不敢訴於有司有司

不敢聞陛下茹毒飲痛窮而無告今其心顛顛獨恃於

麥麥不登則易子齒骨矣

宿麥以秋種太陰于時雨雪而霜故大傷首種首種謂

宿麥以秋種故謂之首種入收也春為寒所傷故至

夏麥不成長也臣恐霜雪損稼夏麥不登無所收入也

王方慶疏

自許以觀其成太子瑛元宗種麥苑中瑛諸王侍同帝

曰是將事宗廟故親之亦欲若等知稼穡之艱因分賜

侍臣曰春秋無麥禾古所甚重比詔使者閱田畝所對

不以實故朕自許以觀其成

碧麥元和八年大軫國貢碧麥形大於中華之麥粒表

裏皆碧香氣如粳米食之體輕久可以禦風

唐杜陽編

金麥同昌公主出降賜金麥銀米共數斛此皆條枝國

獻

教種常丹為容州刺史教種茶麥

吐蕃其稼有小麥青麩麥蒼麥

白麥五代回鶻地宜白麥青麩麥

進瑞麥五代梁果州節度使友諒進瑞麥一莖三穗太

祖怒曰宋州大水何用此為

九穗太康十五年嘉麥生扶風郡一莖四穗收實三倍

晉起居注永嘉元年嘉麥一莖九穗生姑臧前涼錄

五屬麥實有孚甲屬木黍秀舒散屬火麻實有文理屬

金穀實孚甲堅合屬水稷五穀之長屬土鄭注

稻

嘉蔬祭宗廟之禮稻曰嘉蔬禮曲

陰精稻之為言藉也稻冬含水盛其德也故稻太陰精

含水漸洳乃能化也江旁多稻固其宜也春秋題辭

飯美稻稌也穰紫莖不黏者也糠稻不黏者也粃稻屬

也文注伊尹曰飯之美者玄山之禾南海之粃呂氏今

本作秬注黑黍也

雨稻夏禹時天雨稻古詩云安得天雨稻飼我天下共

運

下種越敗吳王孫雄請和范蠡不聽雄曰子范子充

人有言無助天為雷助天為雷者不祥今吾稻不遂
種于將助天為雷不忌其不祥乎國語

生稻越王勾踐復興師伐吳王吳敗晝馳夜走三日三
夕腹餒口饑顧得生稻而食之顧左右曰此何名也對

曰是生稻也吳王曰是公孫聖所言不得火食走惶惶

也吳越春秋

斥鹵生稻史起為鄴令以漳水灌鄴田鄴民大怨欲藉

史起史起不敢出而避之王乃使他人遂為之水已符

民大得其利相與歌之曰鄴有聖令時為史公决漳水

灌鄴旁終古斥鹵生之稻梁使民知可與不可則無所

用矣良

認稻悉與郭翻字長翔武昌隱士也不交世事唯以漁

釣射獵為娛貧無業欲墾荒田先立表題經年無主然

後乃作稻將熟有認之者悉與之縣令聞而詰之以稻

還翻翻遂不受上

穀中之美袁甫嘗請何勗自言能為劇縣勗曰惟欲宰

縣不為台閣職何也甫曰人各有能有不能譬繒中之

好莫過錦錦不可以為稻穀中之美莫過稻稻不可以

為糜是以聖王使人必先以器苟非周材何能悉長黃

霸馳名於州郡而息譽於京邑廷尉之材不為三公自

昔然也勗善之除松滋令上

顧雀食稻顧歡好學年六七歲家貧父使田中驅雀歡

天中已

卷五十五

作黃雀賦而歸雀食稻過半父怒欲撻之見父乃止書

割稻甚快范雲嘗從文惠太子幸東田觀穫稻文惠顧

謂雲曰割此甚快雲曰三時之務亦甚勤勞願陛下知

稼穡之艱難無徇一朝之宴逸也文惠改容謝之書

小兒偷稻孔琇之有吏能仕齊為只令有小兒年十歲

偷割隣家稻一束琇之付獄案罪或諫之琇之曰十歲

便為盜長大何所不為縣中皆震南史

沙門乞稻鄧元起嘗至其西沮田合有沙門造之乞元

起有稻幾二千斛悉以施之時人稱其有大度梁書

衣冠偷割陳伯之濟陰睢陵人也年十三四好著獺衣

冠帶刺刀候隣里稻熟輒偷割之嘗謂田主所見呵之

曰楚子莫動伯之曰君稻幸多取一擔何苦田主將執

之因拔刀而進曰楚子定何如田主皆反走徐擔稻而

歸上

開舊陂齊孝昭王建中平州刺史嵇暉建議開幽州督

元舊陂長城左右營屯歲收稻粟數十萬石北境以得

周瞻書

稽生再熟開元十九年揚州奏稽生稻二百五十頃

再熟稻一千八百頃其粒與常稻無異唐書

芒履立田孟元陽為曲環軍中大將環使董作西華屯

元陽盛夏芒履立稻田中須役者退而後就舍故其田

歲無不稔軍中足食上

稱收豐衍郭元振為京州都督遣并州刺史李漢通關
屯田盡水陸之利稱收豐衍

野稻水穀滄州乾符本魯城乾符元年生野稻水穀十
餘頃燕魏飢民就食之唐地理志

稻粒寫詩都會間有運大筆如椽或於稻粒上寫七言
詩一絕歷歷可愛北夢瑣言

不識稻苗晉簡文見田中稻苗不識問人是何草左右
答曰是稻簡文歸三日不出云寧有得其末不失其本

怒人持稻陶侃見人持一把未熟稻問何用曰行道所
見輒取之侃怒其戲賊人稻鞭之用

為稻下水東周欲為稻而周不下水東周患之蘇子往
西周之君曰君之謀過矣今不下水所以富東周也今

其民皆種麥無他種矣君若欲害之不若一為下水以
病其所種下水東周必復種稻種稻而復奪之若是則

東周之民可令一仰西周而受命於君矣戰國策

稻枯責相劉敞拜廬江都尉歲餘遭旱行縣人持稻皆
枯吏強責租敞應曰太守事也載枯稻至太守所酒數

行以語太守太守曰無有敞以枯稻示之太守曰都尉
事也敞怒叱太守曰鼠何敢爾也東觀漢記

興鴻隙陂鄧晨為汝南太守興鴻隙陂數千頃田
後漢
草化稻孫亮五鳳元年交址稗草化為稻
江表

稻熟民認 鍾離牧字子升會稽山陰人少居永興自墾田稻二十餘畝臨熟而縣民認之牧曰本自田荒故墾之耳遂以稻與縣民縣長召繫獄欲繩以法牧請之長曰君自義士僕為民主當以法率下牧曰此是郡界緣君意願來暫住今以少稻殺此民何必復留志
野稻自生 黃龍三年由卷縣野稻自生改為禾興縣志
激湮浸稻 杜預修邵信臣遺跡激用湮消諸水以浸稻田萬餘頃分疆刊石使有定分公私同衆庶賴之號曰杜父舊水道書
指折八苗 惠帝征成都王狼狽左腳三指折匍匐入稻畝中賴侍郎嵇紹以身捍之上

其粳米焦然于今猶在若服一粒永無瘡患彼國人民

須以為藥名陽柳藍記

秔稻 秔稻屬也稻亦秔之惣名也道家方藥有用稻米

秔未此則是兩物也稻米粒白如霜味苦主溫服之令

人多瘦無肥膚秔米味甘主利臟長肌膚好顏色養生要集

五里聞香 江表唯長沙名有好米何時比新城粳稻也

上風炊之五里聞香魏文帝典朝臣書

盜粳養父 安同遼東胡人也太宗時同與長孫嵩並理

人訟世祖即位除青冀二州刺史同長子居典太倉事

盜官粳米數石以養同大怒奏求戮居自劾不能訓子

請罪太宗嘉而恕遂詔長給同粳米後魏書

母欲粳米 徐孝克所生母惠欲粳米為粥不能常辨母
後亡孝克遂常啖麥有遺粳米者孝克對而悲泣終身
不復食焉 書

和靈稻 宣帝地節元年樂浪之東有背明之國來貢其
方物言其鄉在扶桑之東見日出於西方其國昏昏常
暗宜種百穀名曰融澤方三千里五穀方三千里五穀
皆良食之後天而死有浹日之稻種之十旬而有壽有
明清稻食者延年有清腸稻食一粒歷年不飢有和靈
稻言寒者食之則溫熱者食之則體冷莖多白 拾遺記
稻孫稻已割而復抽曰稻孫

湍瀨 今稻生於水而不能生於湍瀨之流 淮

盧城北 狄傳渤海俗所居者曰盧城之稻

巨粒 西域摩揭陀有異稻巨粒號供大人米

歲四熟 天竺稻歲四熟

龍睛稻 唐謝玄卿遇神仙設龍睛稻 續仙傳

兩熟之稻 九真太守任延始教耕犁俗化交土風俗象
林知耕以來六百餘年火耨耕藝法與華同名白田種
白穀七月大作十月登熟名赤田種赤穀十二月作四
月登熟所謂兩熟之稻也 水經三十六

紫芒 郭義恭廣志曰有虎掌稻紫芒稻赤穰南方有蟬

鳴稻七月熟稻有蓋下白正月種五月穫訖其莖根復
生九月復熟青芋稻六月熟累子稻白漢稻七月熟此

三稻大且粗長三枚長一斗益州稻之長者米長半寸

熟

再種交趾夏稻熟農者一歲再種異物志

半夏十月穫稻人君嘗其先熟故在季秋九月熟者謂

之半夏稻蔡邕月令章句

麋畷海陵縣扶接海多麋畷千千為群掘食草根其處

成泥名麋畷民人隨此畷種稻不耕而穫其收百倍博物志

九熟南海晋安九熟之稻抱朴子

盜稻助收夏香有盜刈其稻者香助為收之盜者慙送

以還香香不受會稽典錄

粳米斷瘡而方佛沙伏國有昔尸毗王倉庫為火所燒

得時得時之稻大本而莖桐疏機穗如馬尾大粒

無芒搏米而薄糠春之易而食之香如此者不益先時

者大本而莖葉格對短稠短穗多批厚糠薄米多芒後

時者纖莖而不滋厚糠多批庭辟米不得時定熟印天

而死呂覽

九日薦稻舊陸稻熟常用九月九日薦稻徐廣

重思雜俎鄴都稻名重思其米如石榴子粒稍大味如

菱亦以上獻仙官杜瓊作重思賦曰霏霏春暮翠矣重

思靈氣交被嘉穀應時

占城稻大中祥符五年遣使福建取占城米分給江淮

兩浙漕并出種法令擇民田之高者分給種之國朝會要

江浙間有稻粒稍細耐水旱而成實早作飯差硬土人謂之占城稻云始自占城國有此種真宗聞其耐旱遣使實求其種始植于後苑後在處播之爾雅

黍

蘇合祭宗廟之禮黍曰薌合禮曲

大暑而種秬黑黍也一稔二米所以饑也黍禾屬黏者也以大暑而種故謂之黍孔子曰黍可以為酒文苑黍者暑也種必除暑先夏至三十日此時有兩強土可種黍畝三升黍心未生兩灌其心心傷無實凡種黍皆如禾欲疏於禾泥勝

黍神黍神名侂佞姓簡郝春秋佐

盜粟者士謙慰諭之曰窮困所致義無相責遽令放之

古人所尚李氏宗黨豪盛每至春秋二社必高會極歡

無不沉醉誼亂嘗集李士謙所盛饌盈而先為設黍謂群從曰孔子稱黍為五穀之長荀卿亦云食先黍稷古人所尚容可遠乎少長肅然不敢弛惰退而相謂曰既見君子方覺吾徒之不德也士謙聞而自責曰何乃為人所踈頓至於此上

農獻黍德宗以中和節令文武百辟進農書獻種唐書

及是百寮始進兆人本業三卷司農獻粟黍一斗唐書得時得時之黍芒莖而微下穗芒以長搏米而薄糠春

之易而食之不噉而香如此者不謁先時者大本而筆
莖殺而不遂葉藁短穗後時者小莖而麻長短穗而厚
糠小米令而不香呂覽

搏黍今以百金與搏黍以示兒子兒子必取搏黍也以
和氏之璧與百金以示鄙人鄙人必取百金矣上

渭水渭水多力而宜黍淮南

飯美飯之美者南海之秬呂覽

上時四月可種黍謂之上時崔寔四民月令

兩黍宣帝元康四年長安兩黑黍粟如禾和帝元興元

年黑黍穗一禾二實或三四實生任城得粟二斛八斗

以薦宗廟崔豹古今注天兩黍粟大人出走京房易妖占

徙赤黍吳起為魏武侯而河之守秦有小亭臨境吳起
欲攻之不去則甚害田者云之則不足以徵甲兵於是
乃倚一車轅於北門之外而令之曰有能徙此南門之
外者賜之上田上宅人莫之徙也及有徙之者還賜之
如令俄又置一石赤黍今本東門之外而令之曰有此
徙此於西門之外者賜之如初人爭徙之乃下令大夫
曰明日且攻亭有能先登者仕之國大夫賜之上田宅
人爭趨之於是攻亭一朝而拔之韓非子

天兩黍惠成王八年雨黍紀年

人認不計承宮遭天下喪亂遂將諸生避地漢中後與

妻子之蒙陰山肆力耕種黍將熟人有認之者宮不

與計推之而去由是顯名後漢書

搏黍弄戲十月朝黃祖在艤衝舟上會設黍臠禰衡年

少在坐黍臠至先自飽食舉搏以弄戲其輕慢如此傳別

食黍劉聰時河東大蝗唯不食黍豆靳准率部入收而

理之哭聲聞於十餘里後乃鑽土飛出復食黍豆平陽

飢甚晉書

稷黍歌符堅讌群臣于釣臺秘書侍郎趙整以堅頗好

酒因為酒德之歌曰稷黍西秦採麥東齊春封夏發莫

納心迷崔鴻十六國春秋前秦錄

盜刈默避李士謙隱居有平犯其田者士謙牽置涼處

飼之過於本主望見盜刈其黍者默避之其家僮熱

扶老精移火轉生黍夏出秋改黍者縮也故其立字木

入米為黍酒以扶老春秋賦題辭

獻秬黃帝時南夷乘白鹿獻宋本今本秬

膏黍廣都之野后稷葬焉爰有膏黍膏稷山海經

鄙黍管仲說桓公曰古者封禪鄙上之黍所以為盛史記

閔周黍離閔宗周也彼黍離離彼稷之苗行邁靡靡中

心搖搖詩經

番燕公子過鄭鄭文公亦不禮焉叔詹曰若不禮焉則

請殺之諺曰黍稷無成不能為榮黍不為黍不能蕃庶

稷不為稷不能蕃殖所生不疑唯德之基公弗聽

黍苗秦伯賦采叔子餘使公子賦黍苗子餘曰重耳之

印君也若黍苗之印陰雨也若君實庇陰骨澤之使能
成嘉穀薦在宗廟君之力也上

五穀之長孔子侍坐於哀公賜之桃與黍馬哀公曰請
食孔子先食黍而後食桃左右皆掩口而笑公曰黍者
所以雪桃非為食之也孔子對曰丘知之矣然夫黍者
五穀之長郊禮宗廟以為上盛菓屬有六而桃為下祭
祀不用不登郊廟立聞之君子以賤雪貴不聞以貴雪
賤今以五穀之長雪菓之下者是從上雪下臣以為妨
於教害於義故不敢公曰善哉家語
竊黍韓昭侯之時黍種嘗貴甚昭侯令人覆廩廩吏果
竊黍種糶之子

種黍多蛇地節三年種蜀黍其後七年多蛇博物志

燕頷黍有燕頷之名又有馱皮黍又曰牛黍南尾秀成

赤黍馬革大黑黍或云秬黍有温屯黃黍廣志

黍臞十月一日黍臞俗謂之秦之歲首未詳黍臞之義

今此人此日設麻羹豆飯當為其始熟嘗新耳荆楚歲時記

神名黍神名侂佞蘭郝春秋左助期

樹黍獲稷三代積德而王齊桓繼絕而霸故樹黍者無

不獲稷樹恩者無不報德淮南

火中夏昏火中可以種黍尚書大傳

枲案黍也黍穰謂之枲廣雅

獨母廢園東平衡農師太尉堯農欲奔赴無糧自致妻

願從行行止紡績庶以自資行至聚亭遇天
母舍母舍後有空園農曰此園可以種黍從求分種之
獨母曰此久廢園唯恐生劣不多耳何分之有乎農遂
與妻斬荆棘種之黍將熟獨母乃更曰黍當分農欲委
去妻曰不如收歛以遺之安其意然後乃去農遂從之
後還獨母以昔黍歸農遂不肯取列女後傳
稻之黏稻之黏者為黍亦謂稌為黍古今注
禾之黏禾之黏者為黍亦謂之稌亦曰黃黍注
稌麥以黍天子西征至于赤鳥獻酒千斛稌麥百載稌
似黍而不粘天子賜墨乘黃金貝帶乃膜拜而受穆天子傳
釀酒王績種黍春秋釀酒孔安國注

稷

五穀之長稷者五穀之長以其中央之穀月令中央土

食稷與牛五行土為尊故五穀稷為長雅翼

明粢曲禮曰凡祭宗廟稷曰明粢稷又名齋或為粢故

祭祀之號稷曰明粢而言粢盛者本之故諸穀因皆有

粢名小宗伯所謂辨六齋之名物與其用是也

膏稷西南黑水之間有都廣之野后稷葬焉爰有膏菽

膏稻膏黍膏稷百穀自生山海經

陽山之稌稷又名為稌呂氏春秋曰飯之美者有陽山

之稌高誘曰關西謂之糜冀州謂之黍說文糜稌也廣

雅曰黍稌也

穀之貴苗穗似盧而米可食月令章句稷秋種夏熟歷

四時備陰陽穀之貴者通志

蕃殖黍不為黍不能蕃藍稷不為稷不能蕃國語

四月熟破減稷逼麥稷此二者以四月熟廣志

益志稷米甘而無毒益志氣補不足本草

太官稷為太官鄭氏婚禮文贊

地珎貞定好稷地產不為無珎也盧鉅莫州論

穀神御古者祭祀以為穀神又農官之名亦曰后稷左

傳稷田正也烈山氏之子曰柱為稷自夏以上祀之周

棄亦為稷自商以來祀之自漢以來禹配社稷配稷案

稷也爾雅今江東呼粟為粢也郭璞

粟

陸種之首說文粟嘉穀實也孔子曰粟之為言續也粟

為陸種之首

五變粟助陽扶性粟之為言續也粟五變一變而以陽

生為苗二變而秀為禾三變而祭然謂之粟四變入臼

米出甲五變而蒸飯可食陽以一立為法故粟積大一

分穗長一尺文以七烈精以五六立故其字粟為粟西

者金所立米者陽精故西字合米而為粟說題

天雨粟蒼帝起天雨粟也河圖神農之時天雨粟神農

耕而種之作陶冶斤斧破木為耜鉏耨以墾草莽然後

五穀興以助菓蓀之實周書昔者蒼頡作書而天雨粟

吐粟黃帝治天下力牧太山稽輔之狗彘吐菽粟於道
路而無分爭之心淮南子

無粟弗守神農之教雖有石城湯池帶甲百萬而無粟
者弗能守也夫穀帛實天下之命衛尉前上蠶蠶法今上

農事人所忽畧衛尉勤之可謂忠國憂民之至記勝書
不同粟伊尹說湯以至味飯之美者玄山之禾不周之

粟陽山之稌南海之秬呂氏春秋
發拒橋粟武王入殷發拒橋之粟以與殷民六韜

乞糴輸粟冬晉荐饑乞糴于秦秦伯輸粟于晉自雍及
絳相繼命之曰汎舟之終左傳

歸粟諸侯無粟諸侯相與粟正也穀梁臧孫辰告釋註

無貯粟秋齊侯宋公江人黃人會于陽穀桓公曰無障
谷無貯粟公羊傳

歲病籩粟鄭子皮即位於是鄭飢而未及麥民病子皮
以子展之命籩國人粟戶一鍾襄公

此德桓公觀於野曰何物可比君子之德隰朋曰粟可
比君子之德管仲曰苗始出生也煦煦乎似孺子安之

則安不得則危命之曰禾可比君子桓公曰善管子
令輸王粟夏會于黃父謀王室也趙簡子令諸侯之大

夫輸王粟昭公
分倉養母齊有北郭騷者結采芘相蒲葦織屨履養其

母猶不足踵門見晏子曰願乞所以養母晏子之僕謂

晏子曰此齊國之賢者也今乞所以養母是說夫子之義也必與之晏子使人分倉粟分府金而遺之辭金而受粟有間晏子見疑於齊君出犇北郭子召其友而告之曰說晏子之義而當乞所以養母焉吾聞之曰養及親者身仇其難今晏子見疑吾將以身死白之著衣冠令其友操劍奉笥而從造於君庭求復者曰晏子天下之賢者也去則齊國必侵矣必見國之侵也不若先死請以頭託白晏子也因謂其友曰盛吾頭於笥中奉以託退自刎也其友因奉以託其友謂觀者曰北郭子為國故死吾將為北郭子死也又退而自刎齊君聞之大駭乘駟而自追晏子及之國郊晏子不得已而反春秋

高府 闔閭伐楚五戰入郢燒高府之粟淮南子

輸粟秦仇 伍子胥諫吳王曰非吾喪越越必喪吳今將

輸之粟是長吾讐而秦吾讐也上

致粟施人 季桓子以粟十鍾餼天子夫子受而班門人

之無者子貢曰季孫以夫子貧故致粟今而施人無乃

乖彼意乎子曰吾受而不辭為季孫之惠受不為富惠

於一人豈若數百人哉孔子叢

饋粟不受 曾子魯君饋之粟辭不受使者曰子無求於

人人自致之曰與人者驕人受人者畏人縱子不以是

驕我我能無畏乎與其富而畏人不若貧而無屈曾子

石粟易糶 鄒穆公有令食鳧鴈者心以糶無敢以粟於

是倉無秕求而易於民二石粟得一石秕於民請曰秕食鳧鴈為無費也今求秕於二石粟而易一石秕食鴈則費甚矣請以粟食之穆公曰去非尔知也夫百姓餉牛而耕暴背而芸勤而不敢惰者豈為鳥獸食哉粟米令上食也柰何以其食養鳥且尔知小許而不知大害

子賈

小斗大斗

田螯子乞事齊景公為大夫其收賦稅於民

以小斗受之其粟予民以大斗行陰德於民而景公弗禁晏嬰卒後范中行氏反晉晉攻之急范中行請粟於齊田乞欲為亂樹黨於諸侯乃說景公曰范中行數有德於齊齊不可不救齊桓田乞救之而輸之粟田乞卒

子常代立是為田成子復脩螯子之政以大斗出貸以

小斗收齊人歌之曰姬乎采芑歸乎田成子

史記

饋粟二車

子思居貧其友饋之粟者受二車焉或獻尊

酒束脩子思曰為費而無當也或曰子取人粟而辭酒是辭少而受多也於義則無名於分則不全行之何也子思曰然彼不幸而貧於財及至困乏將絕先人之祀夫所以受粟為周乏也酒脯則所以飲謙也方乏於食而乃飲謙非義也吾豈以為介哉渡義而行之

孔儀

高平貸粟

高平王遣使者從魏文侯貸粟文侯曰須吾

租收邑粟至乃得也使者曰臣初來時見瀆中有魚張口謂臣曰無窮水魚命在呼吸可得灌乎臣謂之曰待

吾南見河堤之君決江淮之水灌汝口魚曰謂命在頃
更乃須決江淮之水比至君還必求吾於枯魚之肆今
高平貧窮故遣詣君貸粟乃須租收大王必求臣於死
人之墓說苑

貸粟待金莊周貧貸粟於監河侯侯曰待我得邑金將
貸子周作色曰周昨來有呼周者視輒中有一鮒魚曰
我東海之波臣也君豈有斗升水活我哉周曰諾我且
南遊吳越激西江之水迎子可乎鮒魚曰不如早索我
於枯魚之肆也莊子

凶年擇粟墨子語禽滑釐曰今凶年與子隋侯珠又與
子一鍾粟子將何擇釐曰粟可耳說苑

聚粟衛嗣君欲重稅以聚粟民弗安以告薄疑曰民甚
愚矣夫聚粟也將以為民也其自藏之與在於上奚擇
薄疑曰不然其在於民而君弗知其不如在上也其在
於上而民弗知其不如在民也凡聽必反諸已審則令
無不聽矣呂氏春秋

仰天雨粟燕太子丹仰天歎天為雨粟風俗通

族乃多粟苗其弱也欲孤長也欲相與居其熟也欲相
扶是故三以為族乃多粟呂氏春秋

雨粟呂后三年秦中天雨粟述異記武帝建元四年天雨

粟宣帝地節三年長安雨黑粟元帝竟寧元年南陽山
郡縣雨粟赤青黑味若大者如豆小者如麻子赤黃味

如麥建初元年九江壽春雨粟光武建武二十年清河

廣州雨粟大如覓實色黑古今注天雨粟無德者與有德

者不祿小人進大臣辱春秋潛潭巴曰天雨粟不肖者食祿與

三公易位天與稻黍者亡天雨稻大臣當誅京房易占

獨害倉粟宣曲任氏之先為督道倉吏秦之敗也豪傑

皆爭取金玉而任氏獨害倉粟楚漢相距滎陽也民不

得耕種米石至萬而豪傑金玉盡歸任氏任氏以此起

富殖史貨

甬道輸粟秦將王離涉河圍鉅鹿章邯軍其南築甬道

而輸之粟漢書

方船酈食其說齊王曰漢英豪賢才皆樂為之用諸侯

之兵四面而至蜀漢之粟方船而下上

飛藟乾粟主父偃諫伐匈奴曰秦皇使天下飛藟乾粟

起於東隍琅耶負海之郡轉輸北河率三十鍾而致一

石漢書

太倉充溢漢興七年之間國家無事非遇水旱之災太

倉之粟陳陳相因充溢露積於外至腐敗不可食也史記

一斗粟文帝徙淮南王道死民歌曰一斗粟尚可舂一

尺帛尚可縫兄弟兩人不能相容上時民歌之曰一尺

縵好童童一升粟飽蓬蓬兄弟二人不能相容淮南子

發倉賑之河內失火上使黯往視之還報曰河內人或

父子相食臣謹發河南倉粟以賑貧之上賢而釋之漢書

傳

脫粟公孫弘起家徒步為丞相故人高賀從之食以脫粟米飯復以布被賀怒曰何用故人富貴為脫粟布被我自有的乃退漢書

太倉紅腐賈捐之上書曰武帝元狩六年太倉之粟紅腐不可食止

燒餘粟大將軍衛青遂至實顏山趙信城得匈奴積粟食軍軍留一月而還悉燒其城餘粟以歸汲黯傳曰

囊粟東方朔曰侏儒長三尺俸一囊粟錢二百四十臣長九尺餘亦俸一囊粟錢二百四十侏儒飽欲死臣朔

飢欲死漢書

拄枝粟宣帝地節元年樂浪子東有背明之國人至貢方物言其鄉土在扶桑之東見日出于西方其國昏昏恒門宜五穀名田融澤方三千里五穀皆良食者延年清腹一粒歷年不饑有拄枝粟言其枝長而弱無風常搖食之益髓有鳳冠粟似鳳之冠食者令人多力有龍枝之粟言其枝屈曲似游龍食之善走有瓊脂粟言質白如玉柔滑如膏食之盡壽不病有雲渠粟粟生葉似扶渠食之益顏色粟莖赤多黃皆長二丈十株叢生格年

遺記

不周粟負嶠山一名環丘上有方湖周迴千里多大鵲高一丈銜不周之粟粟穗高三丈粒皎如玉鵲銜粟飛

於中國故世俗間往往有之其粟食之歷月不飢故呂氏春秋云粟之美者有不周之粟焉

粟置爰中丹陽方儲字聖明曉風角占侯為章句長民

曰還置餘粟二石及刀鋤於田陌上明日求亡去疑其

隣家儲曰此人非偷自呼縣功曹語曰若何取粟置家

後積爰中功曹歎服謝承後漢書

腐粟不貸王符潜夫論曰富貴皆背親捐舊喪其本心

朽實千萬而不忍賜人一錢積粟腐倉不忍貸人一升

持金易粟光武興洛陽斗粟萬錢人死者相枕漢末大

飢江淮間童謠曰大兵如市人死如林持金易粟粟貴

如金洛中謠云雖有千金黃不如我斗粟斗粟自可飽

千金何所直袁紹在冀州時滿市黃金而無一斗之粟

餓死者相食人為之語虎豹之口不如飢人劉備在荆

州粟與金同價永嘉之亂洛中飢荒懷帝遣人觀市珠

玉金銀填委市門而無粟麥袁宏上表云田畝由是丘

墟都市化為珠玉矣任昉述異記

粟化虫晉末荆州久雨粟化為虫虫害民春秋云穀之

飛為虫是也中即王義興表曰臣聞堯生神禾而晉有

虫粟陛下自以聖德可也帝有慙色述異

野粟宋高宗之初當晉末飢饉之後既即位而江表二

千餘里野粟生焉又淮南諸山石殼生石上生殼也袁

安云石殼藥名穗之尤小者是也述異

輸粟任城王雲為冀州刺史雲留心政事甚得下情於是合城長吏請輸絹五尺粟五升以報雲恩高祖甚嘉之後魏書

除田禁世祖引高允與論刑政言甚稱肯因問允曰萬機之務何者為先是時多禁封良田又京師遊食者衆允因言曰地方一里則為田三頃若勤之則畝益三升不動則畝損三升方百里損益數率為粟二百二十二萬斛况以天下之廣乎若公私有儲雖遇飢年復何憂哉世祖善之遂除田禁上

造粥餽飢肅肅字尊顯少有志業年十八辟州主簿時屬歲儉肅以家粟造粥以餽飢人所活甚衆上

徵稅莫隱王羆為華州刺史時關中大飢徵稅民間穀於以供軍費或隱匿者令逆相告多被笞捶以是人有逃散唯羆信著於人莫有隱者得粟不少後周書

霜儉馬周疏正觀初率土霖儉一疋絹纔得帖斗粟而百姓怡然者知陛下憂憐之故人人自安曾無謗讟自五六年來頻歲豐稔一疋絹得粟十餘石而百姓皆以為陛下不憂憐之咸有怨言

委粟太倉始平人宗士眺粟一石委粟於太倉而去云願少益軍國高祖嘉之賚物百段唐書

匹練易粟郭元振為涼州都督涼州粟斛售數千至是歲數登至匹練易粟十斛

獲陳粟賈相在滑州境內大旱秋稼盡損賈召大將二人謂曰今歲荒旱煩若救三軍百姓也曰君可辱為健步翌日當有兩騎衣綵緋所乘馬蕃步鬣長經市出城君等蹤之識其所戒處則吾事諧矣二將乃裹糧衣早行尋之一如賈言自市至野行二百里大塚而城遂壘石標表誌焉經信而返賈大喜令數百人具畚鍤與二將偕往其所因發塚獲陳粟數千斛人竟不之測西陽雜俎歲收十萬竇靜表請屯田太原帝從之歲收粟十萬斛輒發蕭復改同州刺史歲歉州有京畿觀察使儲粟復輒發以貸人有司劾治詔削階停刺史或吊之復曰苟利於人胡責之辭

賤估濟民蕭傲出太倉粟賤估以濟民

渭倉百一裴休進中書侍郎居三年粟至渭倉者百二十萬斛

丐粟養母劉三復母病廢丐粟以養

粟賤追峴李峴出為零陵太守時京師米翔貴百姓乃相與謠曰欲粟賤追李峴

飛龍粟宣宗紀大中元年二月癸未停飛龍粟

以沙參粒為將者刻薄自入賦粟以沙參粒唐史突厥序

劉賜視粟高祖明而難犯事多親決嘗有店婦與軍士懇訴無以自明帝為鞠吏曰雖屬官吾可市而伐之兩訟未分何以為斷可殺馬劓腸而視其粟有軍士誅無

則婦人死遂殺馬馬腸無粟因戮其婦境內肅然莫敢以欺晉史

橋敗覆粟王周性寡怨不忤物情初刺信都州城西橋敗覆民租車周曰橋梁不飭余之過也乃還其所沉粟出私財以脩之漢實錄

多有者富仁義禮善之於人也譬之若貸則粟未之於家也多有之者富少有之者貧至無有者窮荀卿

盛粟埋地欲知歲宜以布囊盛粟等量埋於陰地冬至後取量多者多種之汜勝之書

不知沉粟董仲舒三年不闕園嘗乘馬不覺牝牡朱買臣貧賤之時孳孳脩藝不知雨之流粟志在經傳也鄒

豆

美種豆有大小二種菽大豆答小豆也叢生其角謂之莢其葉謂之藿其莖謂之莢然又有藤生者種亦不一皆係五穀之數食之能飽人美種也

異名廣雅曰𧄸豆豌豆留豆也胡豆蜂雙也巴菽巴豆也廣志曰重小豆一歲三熟槩甘白豆蠶大可食刺豆亦可食柎豆苗似小豆紫華可為麵生朱提建寧胡豆有青有黃者

蕃殖公子過鄭鄭文公亦不禮焉叔詹曰若不禮焉則請殺之諺曰黍稷無成不能為榮黍不為黍不能蕃庶稷不為稷不能蕃殖所生不疑唯德之基公弗聽遂如

楚語

戎菽爾雅曰戎菽謂之荏菽郭璞曰孫叔然以為大豆按春秋齊侯獻戎捷穀傳曰戎菽也管子亦云北伐山戎出冬葱及戎菽布之天下今之胡豆是也

不辨周子有凡而無慧不能辨菽麥故不可立菽大豆也豆麥殊形易別故以為癡者之候不慧蓋世所謂白

癡成中

鳧鴈食菽齊景公嘗賞賜及後宮文繡被臺榭菽粟食鳧鴈出而見瑾謂晏子曰此何為死晏子對曰此餒而死公曰嘻寡人之無德也何甚矣晏子對曰君之德著而彰何為無德也景公曰何謂也對曰君之德及後宮

與臺榭君之玩物不以文繡君之鳧鴈食以菽粟君之營內自樂延及後宮之族何為其無德也顧臣願有請於君由君之意自樂之心推而與百姓同之則何瑾之有君不推此而為營內好私使財貨偏有所聚菽粟幣帛腐於困府惠不遍加于百姓公心不周乎國則桀紂之所以亡也夫士民之所以叛由偏之也君如察臣嬰之言推君之盛德公布之於天下則湯武可為也一瑾何足恤哉

民食飯菽張儀說韓王曰韓地險惡山居五穀所生非菽而麥民之食大抵飯菽藿羹一歲不收民不厭糟糠

史記

二七為族得時之菽長莖而短足其美二七以為族多
枝數節競葉蕃實大菽則圓小菽則搏以芳稱之重食
之息以香如此者不蟲先時者必長以蔓浮葉疏節小
莖不實後時者短莖疏節本虛不實

統明豆宣帝地節元年樂浪之東有背明之國來貢其
方物言其國宜種百穀名曰融澤有統明豆其莖弱自
相縈纏有挾劍豆其莖形似人挾劍橫斜而生有傾離
豆見日即傾葉食者歷歲不飢豆莖皆大若指而綠一
莖爛漫數畝拾遺記

一頃楊惲報孫會宗詩曰田彼南山蕪穢不治種一頃
豆落而為箕人生行樂耳須富貴何時漢書

兩豆宣帝元康四年南昌兩豆光武建武三年春繡一
疋易一斗豆夏野生旅豆民收取之明帝永平十八年
下邳雨大豆似槐實古今注

大豆紫色丞相薛宣曰陛下八月耐祠嘉美上林皇天
報應茂陵寢廟上食曰玄鳥來至集吐所含大豆紫黑
色食物之象也漢名臣奏

金斤五升赤眉平後百姓飢餓人相食黃金一斤易豆
五升東觀漢記

載土豆覆鄧禹攻赤眉陽敗弃輜重走車皆載土以豆
覆其上兵士飢爭取之此

求豆贖免倪萌字子明齊國臨淄人兄為赤眉賊所得

賊欲殺啖之。前請賊叩頭，言：「兄年老，羸瘠不肥健，願代足。賊義之不啖，命歸求豆來贖。」兄前歸，不能得豆，復自縛請賊，賊遂放之。止

獻豆粥 世祖自薊東南至饒陽，無菜亭，馮異獻豆粥。後漢

旅豆 光武二年，寇恂為潁川郡，大生旅豆，收得一萬餘

斛，以應給諸營。東觀漢記

啗菽 閔仲叔，太原人也，與周黨相友。黨每遇仲叔，共啗

菽飲水，無菜茹。止

三升謝恩 劉平嘗為餓賊所得，平叩頭曰：「老母飢少氣，待平為命，願得還飯。」母馳來就死，賊即遣去。母已食，平曰：「向與賊期，義不可欺。」乃復往，賊驚，恠其信義，曰：「不忍。」

食汝平既免，脫乃撫莢得三升以謝恩。上

送萱豆 小黃恒牧為都尉功曹，與郎君共歸鄉里，為赤眉所得，欲殺啖之。牧求先死，賊義釋之，送與萱豆一斛。

東晉書 舊傳

無菜亭 意王郎起，光武自薊東南馳，晨夜草舍，至饒陽

無菜亭，時天寒烈，眾皆飢疲，馮異上豆粥，明日帝謂諸

將曰：「昨得公孫豆粥，飢寒俱解。」後帝即位，使中黃門賜

以珍寶，詔曰：「倉卒無菜亭豆粥，澤池河麥飯，厚意久不

報本 紀

屑豆為糲 朱倉字卿雲之蜀，從處士張寧，受春秋、禮、小

豆十斛，屑之為糲，閉戶精誦，寧矜之，歛得米二十石，倉

天 文 記

卷 四 十五

四 十五

不受一粒益部諸舊傳

斛二十萬獻帝在長安穀貴豆一斛二十餘萬後漢書

與豆三斛志士鄧子然告困焉得愛金庾之間以傷烈

士之心與豆三斛後之復言孔融教高密令

頗別救麥彭美與諸葛亮書云先民有言左手據天下

右手刎咽喉愚夫不為况僕頗別救麥蜀志

疾賜小豆華佗還家太祖累書呼佗特能屢事猶不上

道託妻疾太祖大怒使往視若妻信疾賜小豆四千斛

魏志

度荒年左元放度荒年法擇大豆鹿鹿細調均種之必生

者熟按令有光使煖氣徹豆必先一日不食以冷水瀉

服三升服訖其魚肉菜果酒醬醢酢并苦之物一不得

復經口渴則飲水慎不可煖飲初少困極數十日後休

力更壯健不復思食大較法服三升為劑亦當隨人先

食多少增損之歲豐欲還食者煮葵子及脂蘇肥肉羹

漸漸飲之須豆下乃可食豆未下盡而食實物腸塞則

殺人此未試於理或可耳博物志刊本無大較下

報戰催種孫權北征使陸遜與諸葛瑾攻襄陽陸遜遣

親人韓扁賈表報遇敵於江中羅得扁瑾聞之甚懼書

與遜云大駕以旋賊得韓扁具知吾關狹且當急去遜

未答方催人種豆與諸樂棋射戲如常吳志

算席上豆趙達善算使人取小豆數升播之席上立處

其數驗復果信計飛蝗射隱伏無不中

謹言後霍時王浚稱制邊陲使人問霍原原不谷浚

既衛之又有盜東內徙三十餘人依山為賊意欲劫原

為主亦未能行時有謠曰天子在何許近在豆田中浚

以為豆者霍也浚遂害原懸其首諸生悲哭其中

紫花化白廢帝子業景和初人種紫花草及豆皆化為

白花俄而帝見廢之應

分減馬豆庫狄伏連之家口百數盛夏之日料以倉米

二升不給鹽菜常有飢色冬至之日親表稱賀其妻為

設豆餅伏連問此豆因何而得妻對向於食馬豆中分

減克用伏連大怒典馬掌食之入並加杖罰

北齊書

載豆療目

魏長史自江右載豆來宣城忽有梓木並舟

而行夜夢神告曰吾錢塘梓府君也欲托祠於昭亭山

既而舟至其處魏度山麓宜為神居然無以得材復夢

神曰宣人方病目舟中豆可療試之無不驗者得錢既

多祠遂成

宣志

營豆夏侯端東走擲營豆以食

豆入牛口竇建德竄牛口谷初其軍有謠曰豆入牛口

勢不得久至是果敗

兩器盧懷慎清貞素不營產業常器宋璟及盧從愿見

之甚喜留連永日今談食有蒸豆兩器葉數俎而此

外脩然無辨

明皇雜錄

豆救未種裴諝為河東道租庸等使時大旱諝請入許

代宗召見問權酷之利一歲我何諝久而不對帝復問

之對曰臣有所思帝曰何思對曰臣自河東來其三百

里見農夫愁歡穀寂未種誠為陛下憂之而為責臣以

利故臣未敢即對唐書

荒田樹蔬貞元中李元諒為隴右節度使開部下荒田

數十里勸軍士樹藝歲收穀粟數十萬斛上

靈光豆大曆中田林國獻靈光豆大小類中國之菽豆

其色紅而光芒長數尺本國人亦呼為詰多珠和石止

膏蒲葉煮之即大如鵝卵其中純紫秤之可重一斤已

止啖之一丸香美無比而數日不復言飢渴杜陽編

黑豆豆黃巢未入京師時都人以黃米及黑豆屑蒸食

之謂之黃賊打黑賊五行志

天雨豆豆天雨豆之類皆非中國耳目所及五代司

蟲食蠹豆豆京兆府先奏蟲食蠹豆全然不收且蠹豆為

物其用甚微舊例所支唯充畜料準數回給大豆諸司

誰曰不然計價利剝徵義將安在陸相奏議

國豆豆石虎諱胡胡物皆改名胡豆曰國豆鄭中

豆神豆豆神名靈殖姓樂春秋佐助期

令人腫豆令人腫榆令人瞋稽康養生論

花憎見日夏至二十日可種豆帶甲而生不用深耕豆

花憎見日則黃爛而根焦矣知歲所宜以囊盛種等量

理陰地冬至後五十日以發取量之最多者種焉記勝

着井辟瘟常以正月旦亦用月半以麻子七粒赤豆二

七枚着井中辟瘟病甚神效雜五行書

爭吞豆正月七日男吞赤豆六枚女吞十四枚竟年無

病上

塞耳兩葉蔽目不見太山兩豆塞耳不聞雷霆子

水調河中水調而宜菽南

豆花雨八月雨為豆花雨陳留者舊傳

豆五升人食豆五升則身重行止動難恒食小豆令人

肌燥癯理博物志

木豆出交州記木豆出徐童間子美似烏頭大葉似柳

一年種數年採魏王注

禾

嘉穀禾嘉穀也二月始生八月而熟得時之中故謂之

禾禾木也木王而生金王而死稭早種也穎禾末也谷

禾皮也稗禾莖也稟稗也說文

嘉禾天文以七列精以五故嘉禾之滋莖長五尺五七

三十五神盛故連莖三十五穗以成盛德禾之極也春

旋暹則嘉禾液春秋德不至地則嘉禾生經

日下淪於地則嘉禾興春秋德至於地則嘉禾

生嘉禾者大禾也白虎通

禾久生后稷辟土懇草以為百姓力農然而不能使禾

冬生南

異莖一穗成王時有苗異莖而生同為一穗大幾盈車

長坑廂人有生之者王召周公而問之公曰三苗為一

穗抑天下其和為一乎果有越裳氏重譯而來尚書

北里之禾管仲說桓公曰古之封禪鄒上之黍北里之

禾所以為盛史對禪書

三變夫子見禾之三變滔滔然曰孤鄉丘而死我其首

禾乎垂而向根君子不忘本也淮南

重禾武帝外事四夷四民去本董仲舒說上曰春秋他

穀不書至於麥禾不成則書之以見聖人於五穀最重

麥與禾也漢書

禾長丈餘王莽使中郎平憲誘羗還云天下太平一禾

長丈餘故乞內屬郊祀志

種禾推與承宮字少子琅琊人常在蒙陰山中耕種禾

黍臨熟人認之宮便推與而去由是發名也續漢書

一莖九穗光武以建平元年生於濟陽縣是歲有嘉禾

生一莖九穗大於凡禾縣界大熟因各上曰秀東觀漢記和

帝元年嘉禾生濟陰城陽一莖九穗安帝延光三年嘉

禾生九真百五十六本一百六十八穗古拾

盜割伏草淳于恭字孟孫有盜割禾恭見之念其愧因

伏草中盜去乃起東漢書

寧取中穗蔡茂初在廣漢寧坐太極殿上有三穗禾茂

五中言 卷四十五
跳取之得其中穗輒復失之後漢

盜禾沈勲身自耕耘以供衣食人有盜獲其禾勲見而

避之明日便收拾送致其家盜者愧懼齋還不授會稽錄

謝承遷吳郡督郵歲穰嘉禾六穗生於部屬上

獻禾著頌鄭玄年十六號曰神童民有獻嘉禾者欲表

府文辭鄙畧玄為改作又著頌一篇侯相高其才為修

冠禮焉本傳

刈禾復生廬陵巴丘人文晁者世以田作為業秋收以

過獲刈都畢明旦至田禾悉復湛然如先即便穫所穫

盈倉而巨富續搜神記

改元赤烏七年宛陵嘉禾生會稽南始平言嘉禾生改

年為嘉禾三年由拳野稻自生改為禾興縣吳志

跪把庾袞居貧禾熟穫者已畢而採掇尚多袞乃引其

群子以退曰待其間及其掇也不曲行不勞掇跪而把

之則亦大獲又與邑人入山拾橡分夷險序長幼推易

居難禮無違者晉書

躬植朱冲字巨容躬植禾藝蔬隣牛侵犯特湯送牛而

無恨色臧榮緒晉書

七莖同穗武帝世嘉禾三生其七莖同穗晉起居注

九穗同本王者德盛則嘉禾仁并也義熙十三年華縣

民宋曜於田中獲嘉禾九穗同本九穗九州是時堯平

本谷寧晉中興徵祥說

異壘合穎 許謙字元遜代人也子洛陽為鴈門太守家

田三生嘉禾皆異壘合穎世祖善之進爵北地公也後魏

暴禾酬直 趙肅授原州總管司馬在道夜行其左右馬

逸入田中暴人禾輒駐馬待明訪禾主酬直而去史

禾生銅硯 東魏孝靜帝天寶初四月禾夜生於帝銅硯

中及明而長數寸有穗其年帝為高洋所幽遇鴆而崩

廣五
行記

獻禾授令 七年九月太原郡右獻禾一本三穗長八尺

穗長三尺五寸大尺圍芒穗皆紫色鮮明受自禾已上

三尺餘亦紫色有老人年八十餘以素木匣盛之賜物

三十段板授嘉禾縣令杜實

荒地黑禾 朔方節度郭子儀言寧朔縣界荒地廣十五

里有黑禾穀出遍地每日側近百姓掃盡經宿還生前

後可得五六千石其禾圓實味甘美臣以為天啓興王

先瑞百穀故漢稱雨而禾周頌來麩豈若瑞禾自出家給

人足蓋陛下富教安人務農敦本光復社稷康濟黎元

之應也唐書

嘉禾改名 代宗為皇太子乾元初上降誕豫州奏百姓

李氏有嘉禾生及是冊禮特詔改名豫止

粒如連珠 永泰元年秋京兆府上言鄠縣嘉禾生穗長

一尺餘穗上粒重疊如連珠止

田生穰禾 馬燧大曆四年為懷州刺史乘兵亂後其夏

大旱人失耕種，遂乃務教化，將吏有父母者，遂輒造之，施散收瘞暴骨，去其煩苛。至秋，田中生櫓禾，人頗便之。

麟食嘉禾 元和中，東州觀察使潘孟陽上言：龍州武安

川中嘉禾生，有麟食之，復生麟之來。一鹿引之，群鹿隨焉。光華不可正視，畫工就圖之，并嘉禾一函以獻。

一莖五穗 聞河南縣獻嘉禾，一莖五穗，重規視之，曰：偽

也。答其人而遣。

高地種禾 種禾無期，因地為時。三月榆莢雨時，高地強

土可種禾，薄田不能糞者，以原蚕矢雜禾種之，則禾不

生虫。

沈勝之書

得時 得時之禾，長桐而穗大，本而莖殺，疏穢而穗大，其

粟圓而薄糠，其米多沃而食之，疆如此者，不風先時者，

莖葉帶芒，以短衡穗鉅而芳，奪秔米而不香，後時者，莖

葉帶芒而衡穗闕而青零多，糝而不滿。

成周之禾 夏四月，鄭祭足帥師取溫之麥，秋又取成周

之禾。

左

犯禾 季子臯葬其妻，犯人之禾，申祥以告曰：請庚之子

臯曰：孟氏不以是罪予，朋友不以是棄予，以吾為邑長

於斯也，買道而葬，後難繼也。

玄山木 飯之美者，玄山之禾，不周之粟，陽山之稻，南

之稻。

五尋崑崙墟有木禾長五尋山海經

大風不實人主好田獵則歲多大風禾穀不得實禮記

夢禾財生禾稼為財用之所夢見禾稼言財氣生音夢

銜滋春秋說題辭曰禾者銜滋液深均注曰銜滋液以

生故以禾為名也

洛水洛水輕利而宜禾

實野禾實於野粟缺於倉皆奇怪非人所意此可畏也

春秋

春而報春而種之禾亦春而報之滅裂而耰之

禾亦滅裂而報之禮記

吐秀嘉禾為穀班祿是宜吐秀五七乃名為嘉鄭婚禮

以稟它天竺國禾之長者沒稟它禮記

梁

薌其祭宗廟之禮梁曰薌其禮記

飯飯黍稷稻粱白黍黃粱稻稭內則

麩色爾雅曰麩赤苗色白苗郭璞注曰麩赤梁粟色白

梁粟皆好穀也捷為舍人曰別米赤白苗也又曰是伯

夷所食首陽草也

膏粱之性樂伯請公族大夫公曰夫膏粱之性難正也

晉語

糲梁之飯环恠其味人之所美也而堯糲梁之飯藜藿

之羹文繡狐曰人所好也而堯布衣揜形鹿裘禦寒淮南

春梁而食桓帝之初京都童謠曰城上烏尾畢逋公為
吏子為徒一徒死百乘車車班班入河間河間妣女工
數錢以錢為室金為堂石上慙慙黃梁下有懸鼓我欲
掌之丞卿怒城上烏者處高獨食不與下共謂人主多
聚歛也公為吏子為徒者言蠻夷叛逆父既為軍吏子
弟又為卒徒往擊之也一徒死百乘車者言前一人討
胡既死矣後又遣百乘車往也車班班者言乘輿班班
入河間迎靈帝也妣女數錢言帝既立其母永樂太后
好聚金錢以為堂室也石上慙慙者言太后雖積金錢
猶慙慙常苦不足使人春黃梁而食之也我欲擊之者
言太后教帝使賣官授錢天下忠篤之士怨望欲擊鼓

求見卿懸鼓者復怒而止我也

續漢志

魏武為粥

有具梁解梁遼東赤梁魏武帝以為粥

廣志

辟猿猴法

孫權時有一人種梁在山中患猿猴食之聞

介象有道聊從乞辟猿猴法象告之無他法也汝明日
往梁所望見群猿方往時便大喚語之曰以白介君使
猿猴莫復求食梁此人倉卒直謂象欺弄之明日視梁
遇群猿適欲下樹試承象語語猿即各還山出遂便絕

跡神仙傳

梁米二升

涼州都督計欽明嘗出按部有吐蕃教萬奄

至城下欽明拒戰久之力屈被執賊將欽明至靈州城
下欽明大呼曰賊中都無飲城內有美醬之二升梁米

云一升墨乞一挺是時賊營四面阻泥河唯有一路得入欽明詐乞此物以喻城中冀有簡兵練將候夜掩襲城中無悟其首者尋遇害唐書

不耕欲梁不能耕而欲黍梁不能織而喜衣裳無事而求其功難矣淮南

竹根白梁味甘微寒無毒生除熱益氣有襄陽竹根者最巨黃梁出青冀草木

黃梁黃梁穗大毛長穀米俱麤於白梁而收子少不耐水旱食之香味逾於諸梁人號為竹根黃爾雅

玄山梁飲以華泉之水食以玄山之梁傳林左思魏都賦曰雍丘之梁

麻

泉實爾雅曰賡泉實孫炎注曰麻子因分爾雅翼麻有實者別名直而無實者別名泉

以犬嘗禮記月令曰仲秋之月天子乃以犬嘗麻先薦寢廟鄭玄注曰麻新賡

食麻與犬三秋之月天子衣白衣乘白駱食麻與犬淮南

得時得時之麻必莖以長疏節而危陽少本而莖堅厚菜以均後熟多榮日夜分復生如此者不蝗呂覽

飯麻大夫李斯與鮑立子俱事孫卿鮑立飯麻蓬藜脩道白屋之下李斯為秦丞相終致五刑論益錄

飛明麻東極之東有飛明麻葉黑實如玉風吹之如塵

亦名明塵麻有紫沉麻如粟色紫迮為油則汁之如清
水食之目視鬼魅又有倒葉麻葉如倒巨色紅紫亦名
紅冰麻言冰麻乃有實食之顏色潔白有通明麻食者
夜行不持燭是巨勝也拾遺

首頰周黨遺閔仲叔生麻叔嘆曰我欲省頰耳受而不

食東觀漢記

夢麻驚乳宣帝陳皇后生高帝高帝年二歲乳人之乳

后夢人以兩甌麻粥與之覺而驚乳因此豐足齊書

補中麻子味甘無毒主補中益氣服之令人肥健本草

益氣麻子味甘無毒主補中益氣服之令人肥健麻子

一名黃一名麻勃養子要集

胡麻胡麻亦有實本生大宛一名油麻一名狗莖一名

方莖淳黑者名巨勝亦曰一葉兩莖為巨勝或曰莖圓

名胡麻莖方名巨勝又作角作四稜者名胡麻八稜者

為巨勝俗云必夫婦同種即生而茂盛道家以為飯陶

隱居言八穀之中胡麻最為良爾雅

折麻九歌云折疏麻兮瑤華將以遺兮離居法宣云

雖攀桂之歡或舛而折麻之贈不遺拾遺

林

粟林爾雅粟林謂粘粟也說文云與穀相似未粘也人

用之釀酒其莖稈似禾而麓大者是也孫炎注曰林稷

粟也

公田種秫陶潛字元亮為彭澤令在縣公田悉令種秫
穀曰令吾常醉於酒足矣妻子固請種秔乃使二頃五
七畝種秫五十畝種秔音

及

麥草蔣草也生水中葉如蕨茨江南人呼為麥草
剗以飼馬甚肥其苗有莖梗者謂之菰蔣至秋則為此

朱爾雅

彫胡菰米一名彫胡故宋玉賦云為臣炊彫胡之飯烹
露葵之羹又枚叔七發云楚苗之食安胡之飯搏之不
解一吸而散天液也遺皆是彫胡紫籜綠節之類菰
之有米者長安人謂為彫胡葭蘆之未解葉者謂之紫

擇菰之有首者謂之綠節

西京雜記

似穀養人

海上有草焉名苽其實食之如大麥七月稔
熟名曰自然谷民歛至冬乃訖或曰禹餘糧言禹治水
棄其餘糧化而為此爾雅翼

稊爾雅稊矣稊一名矣似稗之穢草布生於地而稊則

生下澤中故古詩曰蒲稊相因依上

稗稗水旱無不熟之時又特滋盛易得蕪穢良田畝得

二三十斛宜種之以備凶年又稗中有米熟時可擣取

炊之不減粢米又可釀作酒武帝時令典農種之一頃

收二十斛斛得米三升大儉可磨食之

沈勝之書

東廡東廡生河西苗似蓬子似葵可為飯河西人語曰

貸我東廡償爾田梁草

苧米苧米可為飯生水田中苗子似小麥而小四月熟

久食不飢爾雅所謂皇守田者也止

狼尾狼尾草子作黍食之令人不飢爾雅所謂益狼尾

者也止

蒯草蒯草子亦堪食如杭米又蓬草子作飯無異杭米

儉年食之止

天中記四十五卷終



